

մեծութեանն վերահաստատեսցի Սինոթական կառավարութիւնն աթոռոյ մերոյ Էջմիածնի ըստ ամենայն պարտուպատշաճ հարկաւոր հանգամանաց իւրոց և պարագայից, հանդերձ զերծալիլ, որով զօրացին և թագաւորեսցին օրէնք միայն յօգուտ եկեղեցւոյ և յերջանկութիւն հասարակութեան, որպէս և յօգուտ իսկ տէրութեան: Երկրորդ, զի յարգելով զպատիւ օրինաց և կանոնաց մի եւս այսուհետեւ հաճեսցիք բնաւ ձեռնադրել զոք եպիսկոպոս ըստ հաճոյս և ինքնօրէն, այլ խորհրդով և ընտրութեամբ, և համակամութեամբ Սինոթին, բարձրագոյն հրամանաւ, քանզի բաւական են շփոթութիւնք և անկարգութիւնքն յառաջացեալ մինչ ցայսօր յանընտրաբար անխտիր ձեռնադրութենէ. սոյնպէս եւս մի հաճեսցի բնաւ վեհաստիճանութիւն ձեր միջնորդել երբեք յաղագս վարձատրելոյ զովոք և իցէ կայսերական ողորմութեամբք առանց խորհրդոյ և համաձայնութեամբ Սինոթին և մեր: Երրորդ, զի Վեհաստիճանութիւն ձեր հաճեսցի ըստ օրինաց ցուցանել Սինոթին և մեզ պարզ հաշիւ վասն ամենայն արդեանց և գումարացն ստացելոց ձեռամբ Զերով կոմ ի ձեռս ձեր հասելոց նախ քան զօծումն ձեր յաւուրս առաջնորդութեան ձերոյ ի տփխիս, և զկնի օծութեան ձերոյ մինչ յայսօր ժամանակի:

Չորրորդ, ի վերջոյ ամենայնի առաջի առնեմք և զայս, զոր թէպէտ ծանր է յոյժ և լոկ բանիլ իսկ լիշատակելն, թող թէ զրով արժարճեցուցանել. այլ զի կտրի յոյժ մեծացան պատճառաւ այսր անարգանք աթոռոյն և աթոռայնոց, և հայրապետութեանն և ձեր իսկ սրբութեանն անձին, բռնադատիմք խնդրել ամենախոնարհաբար նոյն պէս զի զկինն զայն զբերեալն Զիօք ի տփխիզայ, զոր ունիք ընդ խնամարկութեամբ ձերով մինչ ցայսօր, հաճեսցիք արտաքսել անպատճառ ի տանէ անտի հօր սարկաւագի ձերոյ, և ի գեղջէն, զի հեռացի նա ի քաղաք իւր տփխիզ անդր կամ ուր և ինքն կամեսցի. նոյն պէս և սարկաւագդ ի բաց հանել ի ձէնջ և ի միաբանութենէ աթոռոյս գլխովին և արտաքսել, քանզի բաւականք են վնասքն և այնքան խալտառակութիւնքն յառաջացեալ ի պատճառս դոցայ: Եւ ձերում Վեհաստիճանութեան անվայել է ամենեւին պաշտպան լինիլ այդպիսեաց: Հուսկ ապա խնդրեմք եւս ամենախոնարհաբար զի Վեհաստիճանութիւն Զեր